



芝山會稿八
餘花餘下

詩

是

和16
1316
8



和16
1316
8

芝山餘花編下

七言長編

秦和九淵堂主中秋雅會

禮樂東都文物盛九淵館主自揚
園林薈蔚擁孤閣泉石崎嶇
遶短牆落筆蛇龍臻妙手吐詞
鸞鳳出衷腸氣和先攘荆
蓀穢德厚方薰蘭蕙香慚我
癡翁遲悟道羨君達者速
升堂日斜踈樾憇歸鳥時冷
故簾鳴露螢養性怡澹斯老
席譚空寂寞即禪床蟾宮
雲翳若収鏡僊蓋風聲似奏
簧敷點鐘堪清夜永四

芝山會高 餘花



夏月放朗天光騷人逸興賦新句雅客遺音想舊景
設宴歡悰無事化佳期祝酌萬年觴

賡合元日三節韻

今朝夙櫛驚鬢皓昨猶鬢鬢下談戲誤過白駒
隙游吟漫費青羊華新聆睨睨喬鶯鳥重見嬋妍臘
梅花士嶺夏懸千春雪武林初卷一片霞瞻望慕輝
洛陽境流落憐影楚天涯獨誦五箴堪慚愧學業存
再功未加五箴謂李晦齋所撰之元日五箴

何倩和曰三朝何事幾興嗟鏡裏驚看絲髮

了閉戶自思無愧影出門心戰見紛華鶯呈
巧韻助詩興春到難閑禿筆花登起趨光忙
拜客饑來莫策思流霞身如葉矣未知止生
不逢兮是有涯獨酌辛盤聊記歲舊愁錢去
新愁加

林珍和曰頽尾尖新任五車如何老鈍更槎
丫欲歌首祚嗟無力乍入新年髮有華馬齒
差長初得酒龍鍾不進後看花蚤春密漠多
陰日未雪依稀舞斷霞尺帛歸從清海外寸

心懸在碧天涯，低頭視側書時事。縱有屠龍
味不加。

七言律

頌大成殿新落三首

政教並興東武關，大成新殿峙昌山。聞韶永感聲容
裡，問禮時從文質間。道溢泗流兼海國，德輝華夏逮
神寰。垂衣端拱萬幾治，準擬唐虞自一般。
靖洲恰寫魯山鄉，楷葉檜枝繞砌長。天重斯文存典
籍，人尊遺像見羹牆。三千有敬禮儀約，一語無邪詩

意彰幸邁清時裁，短藻筆花願與薦芹香。

泰嶽降靈毓聖人，寰區更覩杏壇春。河圖象隱嘆翔
鳳，魯史繁刪驚獲麟。鹿洞學規真傳道，龍門性理實
通津。漢成釋奠帝師重，從此雲車出紫宸。

過二國橋

坎險分州天塹域，長橋百丈跨空成。秋光水面疑龍
臥，曉色雲端訝霓橫。驄馬嘶來鰲背立，青衫影落鏡
中輕。汪洋仁政濟人處，更憶灞陵風雅情。

寄山名柝隱翁

懷美人兮日似年美人展矣意飄然操堅松菊追陶
子節潔冰霜尋魯連萬事破除三盞酒百般消遣一
聯篇神交鴈字未識面幾度仰瞻富士巔

中秋待宴卒和高韻

薄暮共俟冰鏡明爽然高閣意先清袁宏詩艇壁珠
句度亮酒樓絃管聲鬼魄將藏遠眺望蟾華半發愜
風情庶幾斫盡月中桂驂客嫦娥長結盟

呈朝鮮成翠虛

寶祚聯綿曾不窮隣邦慶賀好情通大鵬搏水起蒼

海神駿嘶雲降碧空簫鼓聲和康樂歲旌旗影靜太
平風舅兒素有桑蓬志詎受君言用顧躬

成翠虛和白每對群經懷志士居行有道本
來通馬窺旭日穿深樹舟渡澄江落碧空修
好舊交全古禮推恩新政鼓薰風從來品物
資皇化雨露定知蘇悴躬

再賡呈李鵬溟

遠來相慶意無窮不憚滄茫舟楫通幸接大賓周禮
後深慚小子雅言空尊賢倍見榮君命共事无能振

道風為國更新修舊好莫嫌草館之容躬

李鵬溟和白劍橫秋水望何窮周道王程自

在通入眼連山成幅画前途曉夢繞層空歸

鄉須說重賓遇問俗具言尚義風天賦不凡

加篤學文華璀璨足脩躬

重呈成翠虛

欲挹芝眉未有緣喜因脩睦遇英賢潮生驚島恩波

遍華發鷄林詞氣鮮可羨延陵觀魯樂翻嫌秦宓答

劉天惟君連璧通言笑快豁風流幾百年

成翠虛和白億萬斯年構世緣新君御宇喜

逢賢睦隣有道寬而撫致覲無愆肅且鮮冠

服恭看皇漢禮聲歌和動日東天文章人物

今方盛重挹德輝知曷年

夜遊清水寺

薄暮來遊清水寺少焉月出遠林間小溪懸水引垂

練高殿彩光接碧山遙顧孤雲雙白舍乍聞杜宇二

州關洛陽自古稱佳勝不若衡茅環堵閑

旅館柳

客舍門前柳色濃，多情感嘆向春風。去年贈別煙絲
下，今日思君飛絮中。淺綠漫娛隋帝苑，垂條獨悼未
央宮。奔捐京洛歸鄉里，清汲陶流無惱公。

遊春山暮歸

洛陽佳氣鬱氤氳，紅綠煙霞見不分。陰澗水清魚活
潑，暖園花馥蝶繽紛。旅人亦樂春天路，飛鳥自歸日
暮雲。徐步閑歌經野寺，晚鐘追我遠殷仁。

明儒評曰：此篇語句瀏亮，可使他人誦之而
自己聽之。然後知作詩不用太艱深也。

西院訪松田閒居

西洛道隣西院村，幽棲尋訪歷空原。林巒婉轉圍明
牖，樹竹蕭疎遶小門。富貴厭嫌塵世裏，清貧娛樂碧
山邊。苦居畎畝昔人志，農業以安遺子孫。

中秋

詞賓騷客仰清穹，撥盡殘雲薄暮風。玄兔吐珠尤皎
潔，素娥磨鑑更玲瓏。彼明足察秋毫末，其影能周覆
幬中。只學敬躋昭似月，宵襟洞照主人翁。

明儒評曰：五
六，金石之聯。

筓根山夜宿

逝隔人間異景多風情直起管根阿鹿鳴紅葉壁林
岳月出翠雲岩洞窩霜鏡瑩瑩懸絕嶺蛾眉縹緲倚
天河叨思脫屣從仙侶竟棄網常如罪何

霜鏡言管根湖
蛾眉言富士峰

花火

萬般機變火筒中莊觀夜來集水波楊柳婆娑奔碩
隄櫻桃撩亂放遊蜂響天壁玉似飛砲漫地索繩疑
動龍當日如今褒姒看笑前何必舉高烽

明儒評曰後六句精于體物
非有奇思慧想不至於此

偶書扇面

牢落清貧慕古風丈夫元是好豪雄酒娛未必在多
少詩味何應拘拙工小盞微醺看月齋短篇朗咏對
花紅世人徒羨王公富誰識及身天爵充

武關別江澄歸故園

西出武關歸福巖嶮夷行盡水雲寬野原分漲天龍
瀨霄漢高懸富士岩相邁論文言未了別離縮柳淚
無乾今朝霰雪四郊昧想像征衫馬上寒

富士山

士峰高峻跨乾坤直壓十州大麓根碧淨雪鮮妝錦
繡煙飛雲斷顯嬋媛移行四面容相似坐鎮千秋色
更渾夷貊中華知未有靈光神觀自難言

明儒評曰富士一律兼言高大雅麗勝絕之趣字韻不滯可謂佳作

小田原城

昔城要害擬荆門險路猶存主不存石壁屏連煙散
後箭樓角峙霧晴痕東崖酒水落偏浦西岸早川出
管根聞道人和邦國本君王基業在仁恩

游別宮園

營始臺池不日成群黎與樂祝尊榮木梁遠渡一心
小竹閣高登四自明紆徑檜松千載色打磯風浪萬
羊聲喜看王政若其性動植遂宜品物亨

明儒評曰一心小四自明引來恰好

江島

玉山屹立入蒼溟初到飄然忘世情明暗影隨林厚
薄斷連岸在汐虜盈白頭翁語神仙蹟黔首民為釣
網營不識蓬萊何處覓逍遙靈地日西傾

士山東面入稻宰輔封疆與諸友嘗議登絕頂

而不能遂志此日迫望作

江島當西看士嶺紅雲半掛雪崔巍林間鬢鬢疑花
發海上漂溶似鷺飛五嶽恐難論峻秀十洲何必覓
靈輝欲登絕頂無仙杖天邊眺望竟空歸

明儒評曰林間海上
一聯如見景趣真奇

道中大雨口號

早發鏹倉歸武關滂沱大雨黑雲端山蹊泥土馬蹄
倦津渡急流舟楫難雨脚橫撞穿笠冷風師直射徹
袞寒可憐平素無衣客一日艱辛猶不安

評曰所謂
忠恕之意

暮春拜先妣秦孺人墓

萱謝慈惟思不禁水流日從共駭亡落花無語風空
掃枯木逢春苔自深一片海雲歸曷處數聲林鳥慰
誰心墓間拜跪轉驚動存眼音容忽在今

評曰孝思
無所不至

元日試毫

三統順宜雖建春泰時最是物情新青陽得位光風
度黃道闕元麗日伸興味丁今須理會世紛及此廢
經綸良辰試筆書何事擊壤祝堯安樂民

何倩和曰他鄉恰似故鄉春喜向尖頭試弄

新筆到芳晨隨意發柳含舊恨帶蟬伸生雞
報怨羞談劍壯未成名思釣綸首祚祿書如
帝問乘桴敢說是遺民

林珍和曰無限淒涼始是春懶將形管為開
新青松夾道腰疑折翠竹搖風志不伸玉版
書成歌鳳句硯池冰起釣鰲綸倘教懷葛君
天下編內何曾少逸民

春日思林榮

文名逖竊自長崎饒舌漢倭喻駭癡英邁拔群人莫

識俊新絕俗道須歧碧池魚躍準豪翰綠苑花開擬
麗辭聞說貴鄉風雅地春來轉倍從遊思

寄何林二老

二老漂樓乍隔年春來懷國自潛然伴吟鶯鳥讓音
好映硯嫩霞獻色鮮輕羽南翔訪蘓雁孤帆東指送
徐船未能相薄侍函丈萬里勞心渭樹篇

何倩和曰枝棲蕭索畏逢年忽捧新詞喜粲
然煙樹看同江海際瑤函展讀語言鮮知君
博古流香蕙愧我羸軀不繫船翹首景星爭

未觀相思頻誦梅花篇

林珍和曰唱絕陽春幾許年郵筒遠寄幸欣
然溫堪比玉猶增價艷直欺花不敢鮮
荆北相思差慰意山陰有興恨無船
但將綺句朝朝誦省讀周南一百篇

代林正和林子之寄別

華夏賓朋康健無戎羶未掃此踟躕
寓居溟近狎鷗鳥陋室整幽翫鸚鵡
謀拙私懷沮溺隱學疎緬慕童毛
儒沈疴兩載書音斷何日相逢醉碧壺

林珍本韻行色忽亡話語無欲言終是費
踟躕離情載重青驄馬別淚流過翠錦
鴣萬里橋行三學士一毡窓閉兩寒
儒今朝之酒為君贈祗以新詩代缺壺

聆吳王新復蜀都將北征燕京喜截緬
寄何林二若儒

神交萬里斷金孚秋晚蕙芳懷若儒
霧暗慵觀三峽月霜寒厭服五溪
襦義才電擊華夷判正旆龍翔天
地蘇南帝炎威雖震北鈞灘冀莫賦
歸歟明以火德起吳王亦

自雲南發故云南帝炎威而此後漢〇二儒
皆有和韻而今止

別官顧之行于丹州 并引

余友顧翁碩儒近為丹官刺史見重旂招將
逃往矣李路願食藜藿非慕貧實憂毛義喜奉
府檄非娛富貴二者尤須念想仰思鱣堂同
席促膝論文盍簪有年倏爾離羣則講易之
際能無切磋之嘆乎今知翁唱道顛布德風
香名聞然日彰第臨行忽亡罔罄積懷惟倣
古以言強裁俚語聊宣鄙衷云伏祈郵政

雅會同文共事師丹官有桂爾攀之憶親感得食藜
願養母心通奉檄僖陋巷獨看三聖易舊邦新起二
南詩行裝治促句成晚懶聽錦鴿語別離評白句上
精潔溫醇

聆鶻哀感

雨露春深物發生鶻啼殘夜夢魂驚蜀主離國長牽
恨楚月沈江終失明榆柘未闌連遇變羊駒速過
為情向羊汝至吾翁逝愁殺復聞歸去聲

三元

三元夙謁祖先祠祝酌屠蘇與婦兒被役公程年奄

去為管世事日過之梅添淑氣雪生顏柳帶東風碧
吐絲長鈇無彈恩遇渥顛將寸草報春曦

楊柳

東面風多拂檻垂楊黃添得小黃鸝玉梭織處巧開
眼錦袖舞時恰展眉萬縷翠煙籠鳳閣千條綠雨入
龍池丈夫雖莫輕嬌態陶徑猶看閑雅姿

和翠竹堂詠芍藥

暄妍無與眾芳催春去艷顏得始開曉露聯珠爭忍
碎薰風織錦豈堪裁妖嬈西子淡粧出綽約仙兒雅

熊乘瑞氣元非傾國觀正知良弼上瑤臺

七言絕句

謹賀我君承詔為督造離宮未滿三月而功既

成四首

使君董督造離宮億萬役夫助百工衝霧戴星成績
速雲塵捧日勢穹隆

雲塵捧日勢穹隆便是太平長樂宮人力神扶美哉
與大君嘉惠賞元功

巍上畫棟玉龍閣奕上彫牆彩鳳樓經始宜時冬月

役人和致績受天休
人和致績受天休
嵩殿德輝是有周恭賀落成三壽
祝咸池樂起憶神州

奉普濟禪師三章

靈臺廓披萬重雲一片孤明與月同
寄語花間求句者莫因色界遺真空
莫因色界遺真空妄念機緣如草隆
修行即得消憂慮何用喚呼醒主翁
何用喚呼醒主翁只除障礙自圓通
心由猛火利名

路冰鏡寒光林下風

元日三折

紛世事事急年華一醉屠蘇歲暗加
春色滿城何處是鶯聲噴暖護梅花
鶯聲噴暖護梅花
新陽新物華東筆沈吟非我事
詩情總任看蒼霞
詩情總任看蒼霞
蒼霞艷靄惹無涯
嘆惜髮已盛年減髮若老翁心如了

何倩和曰三折經閱兩年華此日鄉思夢裏加

馬齒頰添容易老，惜春敢命乞梅花。惜春敢命乞梅花，歲事驚心鬢已華。海外身輕無箇累，迎新題句帶煙霞。迎新題句帶煙霞，莫謂無聞空海涯。隱几渾忘元日事，懶梳短髮也鬢。

林珍和白吾土蹉跎歲又華，落除齒髮兩難加。此身到底為何用，有眼猶能看盡花。有眼猶能看盡花，可閑凍筆謝羊華。渡江楊柳須題遍，莫聽歸鴉弄晚霞。莫聽歸鴉弄晚霞。

霞予家正在天之涯，玉關既渡春風到。祇訝羴羊角有。

講易三首

河圖示象卦初畫，象爻辭成理既衷。會得易經三聖後，素王十翼發群蒙。參天兩地方圓體，太極妙存象數中。三三九二六以老為名，變固窮。對待流行天地妙，知時知勢易斯通。逆看吉凶無違，正即與術家意不同。

五言 秦和含章公拜釋奠

朗吟字七玉珠清芥藻敬心雲霧晴煥視舊章文物
盛幽深聖德自無聲

和月下思歸引

茲乃高慎夫寓于南禪寺中余一夕到精舍

深州元政鵜真昌亦偶來清話元賦詩數章

余與真昌各和一首云

相逢月下坐岩扉
色界中莫染衣
慈愛海深乾不
得恩光照處轉懷歸

元政本韻逐月乘風出竹扉
故山有母淚沾

衣松間一路明如晝
遙識倚門望我歸

松千年友

節凌冰霜與道俱
青巖雨露老龍腴
古來知命服官
政方伴雲亭五大夫

竹遐年友

一林蒼玉萬年枝
鳳尾宛然儔秀眉
居有此君知不
俗風聲月色兩相宜

雪中待入

玉華散亂玉臺上白鶴翻飛白樹枝為待西湖塵外
友一花先帶六花開

池水半冰

霜鏡磨來功未就盤面玻璃惜乍虧水頭風似分涇
渭南岸浮澌北岸漪

寄花懷舊

蝶夢醒時又至春群芳妝盡苑林新天香國色依然
在追憶昔遊年少人

綠樹依舊

白駒西去水流東景物新移瞬目中風雨池園花落
盡數株依舊綠葱蘢

以上六首
和歌題

白蓮

瑤池風月漾清漣照眼雲袍別樣鮮傑出泥中無點
染冰姿雪魄共飄然

瀧木

碧山綠樹與雲連行至源頭別一天溪水飛成雷怒
激青丘林杪雪高懸

一枝窠

避塵韞影北江阿染意林泉樂處多靜坐日長如大
古風流度歲一枝窠

明儒評曰雖少年之作語意共老成

北江秋夜

楓零水冷雁初飛夜靜砧聲聽漸微長嘯月前眠不
得滿江霜浪照寒衣

北江月

風生水岸暮雲收白露橫空洗素秋江月賞心俱快
霽寒光渺正東流

宿吸江寺

戴月帶雲宿遠山隔離塵世意初閑喚醒二八年来
夢萬里金風吹玉關

古城

春霧朝銷物色明遠望古壘淚縱橫可憐世運有興
廢樓上苔長山鳥鳴

孤村暮煙

農父倦耕自息時荒村幽徑客來稀山風日暮吹松
火繚繞微煙鎖落輝

小嶼釣舟

小嶼漉傍一曲潭水深石滑岸如藍漁翁何意負風月惟取竿絲釣暮嵐

吸江春遊

杖藜徐步吸江涯霞擁孤峯浪激砂遙慕天門奇詠容思精造化滿林花

玄磯潮月

欽歎立石勢崔巍碧浪磨成璞玉臺冰鏡碾升銀島上寒聲冷影共徘徊右北江四勝

淵泉亭

閒覽淵泉春夏秋三光歷爛影悠長靜深有本進無極溝澮如何解與侔

慶雲臺

和氣氤氳麗碧空律來聚散總無蹤朝來布彩靈臺上又作丹霞繞翠峯北江諸作何林評曰思致風調俱超然

側別古園

遠離膝下涕泫然一葉扁舟萬里天日暮海東回首見家鄉只在白雲邊

卷之四
餘苑

秋思

西風吹起白雲秋遠眺含情上水樓黃葉雁聲皆惹
恨江流月色只俱愁

菊詩 并引

暮秋一日在稻羽牧君亭侍

仙臺太守羽林藤公依命賦

佳色千秋泡露殘風流人物落英餐南陽雲水入君
盃祝得仙臺壽域寬

遊金閣寺

春日来遊金谷苑眼前猶見昔時奢歌臺錦繡煙霞
色燕殿姝媛桃李花

以此處比金谷苑云

蓮

綠蓋朱華遠映空何人愛賞似周翁只將通直稱君
子雲錦天機亦自工

唐崎逢雨用俳諧體

字本作詠詠諧是

沙漠風興雨亦頻絕無樹蔭可依身衣衫欲濕思衰
笠未曉西銘同體仁

明儒評白雖俳諧然亦雅馴

卷之四
餘苑

士

日岡歸路

縈迴跋涉過嶮巖，自古心新山水間。
踏破芒屨行路遠，日岡晚影策駒還。
明儒評曰：自古心新為奇語。

禁中

紅樓紫殿瑞雲表，畫節鏤梁寶玉磨。
草野生涯心自別，御庭馴眼柳花多。

韓文公

孟波以來獨此公，擊攻釋李救天衷。
性情五七初揮發，原道遺文長啓蒙。

三朔閑筆

門外憧憧ト奴ト賀賓光風和日識，時新ト包荒雨露唐虞澤。
小徑大來天地春。

讀太極說ヲ

無極本來非寂空，何因太極有形蹤。
無形有理斯明訓，論說紛ト多ト不通。

漫得

此心雖小兼天地，一室雖貧貯六經。
金石歌聲天自聽，富如秦楚未為榮。
明儒評曰：義理至當。

訪友歸路逢雪

情友相逢話語遲，黃昏馬上獨吟歸。
翹頭又見山容改，併有飛來玉滿衣。
明儒評曰：造語不俗，信口吟，遲字越韻不必深怪。

春日偶吟

世事萬般都不關，沈疴憔悴隱林間。
却嫌啼鳥頻驚夢，雨後花開風自閒。

立秋

霎雨忽晴，蒼啣啣，星河高潔露橫空。
曉光枕簟夢魂冷，風作秋聲，一葉桐。

除夕

生涯既過九千日，世事相移幾萬端。
一點天真明不得，可嘆茲歲亦空殫。

天間獨立和日不問送窮方，結角喜同守歲候。
臨端茶聲若解催吟，就筆成酬和韻叶殫。
慈岳琛和日碧天任運，兩彈丸林下惟弘善。
一端歲序暗驚駒過隙，塵情拋向臘邊殫。
分紫山戒琬和日打爛葛藤間，歲月靜中抖擻正倪端。
只些餘習依然在，覓句吟將送臘。

殫

彭城宣義和曰寒溫幾度草衣冠此夜符新
除百端明代恩深春欲早故窮心事一齊殫

詠古人

物各付物何有強命乃委命可無傷或創鴻業或道
躋赤松杜鵑託行藏

夙出旅館

旅懷終夜不成眠推枕披衣坐月前數聽鷄鳴臨坂
徑兩三星點曉雲邊明儒評曰想見旅館早行之趣

富士山二首

帝刪白玉造奇峰風捲煙雲靚秀容近壁孱顏何所
似雷盆倒掛碧空重

又

岩巽西嶺千秋雪雲錦妝成玉女峰將用天池作蓮
沼風翻孤萼百芙蓉

客中重午

倏逢佳節倍鄉望霖雨濛濛更斷腸杜若花開醪味
熟離騷獨誦憶滄浪

有感

飛者飛兮躍者躍一理萬殊質弗同將躬繩入極煩
惱不如以物觀物公

秋夜看書

讀書永夜幾多更滴露結霜蒼近鳴高燭已消殘月
影落窓猶照古人情

浮世

利名榮辱俱如夢月露風雲總莫心江海亦沈圓碧
半真根獨有未浮沈明備評曰非公
乃誰如許結定

三笑

平生自少攢眉間風月會意更解顏莫怪圖南驢背
笑清時喜得睡中閑

野鶴山評曰起句說含笑二句說微笑到三
四句便真好箇一聚合之為三笑非虎溪之
也

風

快拂浮雲河漢清飄飄吹袂暮寒生芭蕉已被秋聲
盡櫳外唯聞十竹鳴

在清風亭題竹簾梅花

高標卓爾花中儒冰玉心姿雪後孤冷咲羅浮春曉
夢清風獨伴簞瓢娛

論蜀相并引

或咏孔明出處曰早知他日三分狹何出草
廬天地寬豈非計較利鈍而似彼薛能之詩
意耶余長吁曰鼉虓神龍其趨向相隔如雲
泥彼奚得識王佐之心跡乎乃采韻別論云
伏龍翔漢義元安三顧禮招何得蟠成敗殊非容逆
觀丹心白日廣居寬

游稻石州牧別業看花即興

繡野錦城萬木花興來琴酒莫空過花時縱有十晴
日風詠佳園也幾多

端午在大因州牧亭詠夏菊

三徑喚醒高臥夢移來獨發玉華堂含新工化愜人
意重五先閑重九香

江雪堪畫

江水渺茫吳絮漫乾坤機變入毫端任他小艇歸來
晚龍甲飛空銀屋瀾

謹和信州刺史永公早春作

萬象展妍一惠風川流敦化自無窮君詞清婉似春色仍念單寒感野翁

山中

屋架雲山雲透軒倚雲枕石動雲根雲無心笑我機事我亦疑雲世上翻

秋晚想何林二老

徑柳半枯籬菊抽汨風湘月卷鄉愁秋光數老人還老海外淚添雁字流明儒評曰此一絕尤佳和韻今止

冬日菊

冬徑菊開秋色殘鉛華金蕚共珊瑚恰如彭澤異流俗獨咲飄零秀歲寒

芝山樓見雪

夜來落雪滿廬苦趣曉登樓驚四瞻遠近江山眩忽變掛軒鍾乳水晶簾鍾乳一作水柱○評曰眩字改眸或可也

芝山暮春二首

雨晴林下草萋已花落花開鶯轉啼春至芝山人莫管載陽倒影暮天低

詩山會集 卷之十一

柳散煙絲風色潤春深鶯語老天涯浮踪未得平留
去更愛韶光明儒評曰二首皆可謂佳絕只馬小詩首句似建春之時

謹和谷先生自遣

碩果存與不計春含章隱默德終新一竿高拂青雲
去聊向東風釣渭濱明儒評曰此亦一奇絕作但不

謝洪滄浪稱贊不敢步瓊磯

不爽之槎八月時桂花影裏吐芳奇金蘭交淡滄浪
水瀟洒衣纓龍鳳姿

洪滄浪稱贊詩曰長嘯巖中追臥龍優游塵

外慕喬松芝山瑞景四時好天下風流第一
峰

酬成學士所贈

泰華星斗競文名殷裔相傳道義明二國修文看四
牡獻酬詩酒盡歡情

成學士示韻曰葦原仙境舊聞名滄海星槎
一路明靖洲幸忝騷壇會寫盡湖山萬古情

和成學士自野島見懷寄

自離仙客若調飢後進龍鍾懷善師萬里神交知未

卷之十一

餘卷

十一

隔雁來復見漢官儀

成學士來韻曰燁亡紫芝可療飢如何逸跡
傍京師身逢聖世歸來是故作人間彩鳳儀

梅月探韻得

姑射嫦娥喜相逢冰霜天妍何假粉金鏡照豔金章
妝一點塵姿不可近

冬至

律及黃鍾寒氣威積陰中見一陽微昏迷路上纔知
梅不遠復來顏子幾野鶴山評曰道味入真之妙作也

榴花

安石奇葩傳絕瀛幽香妖艷總天成後園五月綠陰
裏唯有榴花別樣紅

雪後訪水雲散人幽居

世事崢嶸與歲俱適來泉石想西湖逢君聽得色空
話雪裏芭蕉畫也無

重次水雲散人詩韻

遠迹世網與雲俱雲淡水清霜鏡湖湖上鷗夷猶有
事直登葱嶺一塵無

芝山會集
卷之七

殘暑并引

戊辰孟秋在縉羽牧君亭待坐於林祭酒公
至夜論評詩文公曰汝苦暑作甚佳更試賦

殘暑因次前韻

天宇高澄大火流餘炎赫比滿雲樓夜來枕簟新涼
未何處金風占斷秋

林祭酒席上次韻曰殘暑侵膚汗欲流涼風
猶未透高樓何時共剪西窓燭話畫已山夜
雨秋

題谷平城西之幽樓

好雨晴時草滿蹊道通猶未到城西閑居春意無人
識興入煙霞鶯轉啼

芝山秋望

片帆斜影詠而歸晚色蘆煙籠落輝漁笛聲長何處
是江風海月浪華飛

和晚節齋偶成

萬事不乘世計踈從來富貴若雲歟秋風吹落荻花
露無我鄉中是廣居

與鶴山會心越禪師

虎溪道友兩三人
泉石生涯德有隣
曷怪相談忘物
我形外乾坤自無垠
和章今逸之

歲晏感懷

四十年来道未知
唯看世路歷險巇
塵編家落獨歎
息殘臘燈前讀學而

遇災

琨岡火起及池魚
萬卷經書隻字無
興波由來都有
命靈臺未滅莫長吁

藤石洞賀宴賦龜齡

石兒吞氣幾千年
洞主黃眉如羽仙
成德受祺知曷
在箕疇五福壽居先

賀平公五十算

千鍾方見萬鍾址
五十便知百歲長
和日梅窓名遂
馥清風芸館德無疆

元祿拾丑年三月吉祥日

武陽芝神明町

書肆

和泉屋市兵衛版行

芝山餘花編下終

